



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

13. Multas mutationes hominum tantum phantasticas esse.

urn:nbn:de:hbz:466:1-45686

XIII.

Sentio quartò, aliquando ex humorum virtio, & atrabilis excessu phantasiam ita mutari, vt nonnulli tristitia efficiantur, putent se in bestias esse commutatos, induantq; affectus lupinos, odiumq; gregis, aut hominum, ac proinde etiam desiderium eos inuadendi, lacerandi, vorandi. Quem affectum medici *λυκάων*, *λυκανθεωτίας* vocant, interq; morbos, recentent, à Paulo Egyneta alijsq; medicis *melancholiā*, vel *insanitatem lupinam* Latinè nominatam. Sicut enim Ajax præ infancia in gregem pecorum sœuīt, putans se in Vlyssēm & alios homines sœuire; ita potest nimius mōrōr, hominem adeo de mente deijscere, vt se in belluam versum arbitretur; immō vt se magum, aut sagum dæmoniāq; addictum esse existimet. Quales aliquot ad me adductos, fatentesq; se veneficos esse, cūm viderem nimia melancholia laborare, misi ad medicum & venafecta vidi curatos. Cur enim imaginatio nō posset ingerere tam cogitationem, si eadem, teste Auicenna, potest hominem eō ducere, vt se canem, leonem, vel aliam bestiam esse existimat? Itaque qui sola corruptione phantasia laborant, magi non sunt, licet se magos esse dicant, licet se lupos esse persuasum habeant; licet lupina pelle, aut nube non testigraffentur. Insaniae enim, non magiae est effectus ille; & clarevident alij eos homines, non lupos, non vrsos, non leones esse.

Auicenn. l. 3.
fin. 1. t. 4.
cap. 24.

S. Augustin.
lib. 18. cap 8.
Fincel. lib. 2.
de mirac.

Io. Nider. l. 5.
Formicarij
cap. 12.

Talis sibi non ceteris videbatur pater Præstantij, apud D. Augustinum; & agricola Patauinus apud Fincelium, & vidi ipse multumq; egi cum aliquo, qui per aliquot hebdomas, ex tristi casu, eō amentia deuenit, vt se non in lecto, sed in flamma Inferni damnatum iacere putaret, omnesq; ad se accedentes, pro diabolis haberet, vocesq; desperatione plenissimas iactaret, idq; per plures hebdomas continuo, diu noctuque tanta vociferatione, vt nullæ humanæ vires tam inconditis assiduisq; clamoribus sufficere posse viderentur. Post multis mensis ad se paulatim redijt, & ad officia honorata. Pluriciusmodi exempla qui volet, narrat plura Io. Nider, & sanè lusculta. In his rāmen prudenter attendendū est, qua vita prius fueriat. Callidus enim est Alastor, & vt ipse est pater mendacij, ita sāpe docet etiam veras sagas, cūm iam deprehensa sunt,

sunt, insaniam simulare, ut fingendo morbo euadant, quod sacrilega impietate meruissent. Quin certum est, etiam in ipso sacro tribunali multas eiusmodi Orco mancipatas mulierculas; postquam verè cœperunt confiteri ac resipiscere, subita diaboli suggestione deceptas, omnia extemplo retractare, quæ paulò priùs sponte confessæ sunt; quæ si vrgeantur, ut constant pergant pœnitentiā vti, dicunt, se priùs quasi per somnium locutas, nec mente præsentē fuisse. Ibi Confessarius habet campum pugnandi, instandi, vrgendi, adhortandi, ut bene coepta non interrumpant, & se tandem tam dira Stygij tyranni seruitute liberent. Cessit multis feliciter ille conatus, animasq; amabili constantia & cōstanti charitate lucrati sunt; quas vtique fide statim mendacijs adhibita, per lenitatem perdidissent.

Sed, ut ad rhombum redeamus, et si dæmon potest efficeri dictis modis monstra ex hominibus, animaduertendum tamen est, quid agat, quando specie picæ, mustelæ, aut bufo-nis, vel etiam muris, aut felis, alteriusuē parui animalis tales sibi videntur apparere. Nam quemadmodum ipse non potest loca distantia ab inuicem, non occupato medio, simul implore, & idcirco nec vnum corpus in duobus locis disiunctis simul collocare; ita neq; potest quantitatem corporum sic mutare, ut inde partium penetratio sequatur. Quia id natura nō permittit, & meritò cum Aristotele D. Thomas reclamat. Potest vtrumque Deus, vel diuina virtute Angelus; ita enim S. Nicolaus, S. Agatho, S. Benedictus, S. Ambrosius, S. Franciscus infinita Dei virtute, simul in duobus locis visi sunt; & D. Chrysostomus ait, Habacuc ab Angelo demissum & reductum ex lacu clauso, & sigillis integris manentibus; docetq; cū D. Augustino fides, ita Christum Dominum post resurrectionem, ad discipulos clausis ianuis ingressum; sicut & clauso manente sepulchro resurrexit; & illæso claustro virginali in lucem prodijt. Potest hæc Deus naturæ dominus, & in virtute Dei Angeli boni; at spiritus mali neutrū possunt, quia nihil possunt supra vires naturæ. Quare, si Pythagoras, eodem tempore, in duabus vrbibus conspectus est, ut de eo Origenes sum. tradit;

XIV.

Petr. Tyrren.
lib. 2. de spir-
rit. appar.
cap. 6 & 7.

S. Chrysoft.
orat. de in-
credulit. D.
Thomæ.

S. Augustin.
tract. 121. in
Ioan.

Ioan. 20. 19.

Orig. lib. 6.
contr. Cel.